

Brzątwienie

Czejbë tak strzélnąc do nieba...?
Bez blónów przebic sã dekã
Leno załóżec bë trzeba
Jaką na plecë raketã

I ruk-cuk z dołu het, w górã!
Pòtkac dze ptôcha òb drogã
Przescygnąc przë rajscich mùrach
Je tu chto? A tam chłop z brodą

Sztoperczi a kùkò w brómie,
Co sã todrëje za biéda
Przëzdrzi sã, pòznò i pùdziesz
Na mòdri pażãcë wédã

Hewò są jiny Kaszëbi:
Kùńda Derdowsczi ce wòłò
Pòj tuwò, sadnij, co wëpij
Rzeknij ò stòrim òkòlim!

Pòwòżno Majkówsczi Aleks
Kawã surpniwò z Zòbłocczim
Przë pòliticzny są sprawie
Kùszczy tej-sej grëzã słodczé

Trepczik cos nócy z kòmùdą
Kartë rozłóził na stole
Drzëzdżón na zófce z Labùdą
A wszãdze sënë aniołë

I tobaką szpandérëją
A bëlno wãdzonym miãsã
Czó! Rôczy Bóg na audiencją
Mùszã ju kùńczëc. Tìmczasã!

Tómk Fópka, Chwaszczëno, 20 stëcznika 2026 rokù, gòdz. 8.17 d.p.